



**PSG  
PSOE**

**CS Pontevedra**

## **PROPOSICIÓN CONXUNTA**

LUÍS REI NÚÑEZ, concelleiro do GM de Marea Pontevedra, PALOMA CASTRO REY, concelleira do GM do PSdeG-PSOE, e MARÍA REY MARTÍNEZ, concelleira do GM Mixto-Ciudadanos, presentan ante o Pleno, para o seu debate e aprobación se procede, a seguinte PROPOSICIÓN NORMATIVA, relativa á **AMPLIACIÓN DO SISTEMA ESPECIAL DE PAGAMENTO DO IBI URBANO E Á BONIFICACIÓN DE FAMILIAS NUMEROSAS.**

### EXPOSICIÓN DE MOTIVOS:

A previsión de ingresos do Concello de Pontevedra para o ano 2018 con cargo ao IBI Urbano ascende a 18.464.562 euros, polo que é unha das súas principais fontes de financiamento. A súa recadación está regulada en dúas normas municipais: a Ordenanza 27 Xeral de Xestión, Recadación e Inspección e a Ordenanza 22 Reguladora do Imposto sobre Bens Inmобles.

Co obxecto de facilitarlles o cumprimento das obrigas tributarias aos veciños de Pontevedra, e ao abeiro do artigo 10 do Texto Refundido da Lei Reguladora das Facendas Locais, a Ordenanza Xeral establece (no Artigo 32, Sistema especial de pago do IBI urbano en período voluntario) a posibilidade de fraccionar o pagamento en dous prazos.

Por outra banda, e co obxecto de axudar ás familias numerosas, a Ordenanza do IBI (artigo 4.4) recolle bonificacións na cota íntegra do inmobile de uso residencial onde estean empadroados os membros da unidade familiar, sempre que o seu valor catastral non supere os 40.000 euros. Esa bonificación queda no 10 por cento para as familias numerosas de categoría xeral, e chega ao 30 por cento para as familias numerosas de categoría especial.

A iniciativa de Marea Pontevedra, no pleno de xaneiro de 2018 debateuse unha proposición de cambios destas dúas ordenanzas que non prosperou. Agora, tras incorporar as achegas formuladas naquel pleno polos grupos de PSdeG-PSOE e Mixto-Ciudadanos, pola súa vez modificadas, estes tres grupos (MAREA PONTEVEDRA, PSdeG-PSOE e MIXTO-CIUDADANOS) presentan de xeito conxunto a seguinte

#### PROPOSICIÓN NORMATIVA:

1º. Instar a Xunta de Goberno Local a **promover a modificación do artigo 32 da ORDENANZA 27 XERAL DE XESTIÓN, RECADACIÓN E INSPECCIÓN e o formulario 865**. Propóñense s seguintes cambios, sinalados en negriña:

No apartado 1, onde di “fraccionamento da débeda en 2 prazos”, pasará a dicir: “en **5 prazos**”.

No apartado 2, c, dirá: “Formularase solicitude expresa antes do 1 de **febreiro** do exercicio **que deba ter efecto** no impreso que se estableza ao respecto”.

No apartado 4, dirá “O importe de cada fracción será do **20 por cento** da cota líquida do recibo de IBI do exercicio en curso, tendo **os catro primeiros** o carácter de a conta. Aboarase, por domiciliación bancaria, **nas seguintes datas** ou inmediato hábil posterior: - **primeira fracción: 5 de marzo; -segunda fracción: 5 de maio; -terceira fracción: 5 de xullo; -cuarta fracción: 5 de setembro; -quinta fracción: 5 de novembro, todos** do mesmo exercicio en curso, sempre de acordo co calendario fiscal que se aprobe anualmente polo Concello de Pontevedra”.

No último parágrafo dese apartado, onde di, “afecta á 2ª fracción”, dirá “afecta á segunda fracción **ou posteriores**”.

2º. Instar a Xunta de Goberno Local a promover a **modificación do artigo 4.4 da ORDENANZA FISCAL 22 REGULADORA DO IMPOSTO SOBRE BENS INMOBLES** nos seguintes termos, cos cambios sinalados en negriña:

Elevar a **45.000 euros** o valor catastral do inmovible do uso residencial no que estean empadroados os membros da unidade familiar para a bonificación da cota íntegra.

Elevar a bonificación para os titulares de familia numerosa, de categoría xeral e especial sen facer distincións, e igualando **os propietarios e os inquilinos de vivendas de Protección Oficial cando por contrato se vexan obrigados ao pagamento do IBI**. A bonificación establecerase, en función do seguinte xeito:

Se os importes brutos dos membros da familia numerosa, no exercicio fiscal anterior fosen iguais ou inferiores a 6.360 euros, **a bonificación será do 90 por cento.**

Se os ingresos estivesen entre 6.360 e 8.130, **a bonificación será do 50 por cento.**

O ingreso bruto anual por membro calcularase dividindo a totalidade dos ingresos brutos anuais da unidade de convivencia entre o seu número de integrantes. No caso dalgún integrante cun grao de discapacidade igual ou superior ao 65 por cento, computarase como se fosen dúas persoas. No caso de que discapacidade estea entre o 33 e o 65 por cento, computarase como 1,5.

Pontevedra, 18 de xaneiro de 2018

Luís Rei Núñez, concelleiro do GM de Marea Pontevedra

Paloma Castro Rey, concelleira do GM do PSdeG-PSOE

María Rey Martínez, concelleira do GM Mixto-Ciudadanos